

BWRDD GWEITHREDOL

Dydd Llun, 24 Mai 2021

YN BRESENNOL: Y Cynghorydd E. Dole (Cadeirydd)

Y Cynghorwyr:

C.A. Davies, G. Davies, H.A.L. Evans, L.D. Evans, P.M. Hughes, P. Hughes-Griffiths, D.M. Jenkins, L.M. Stephens a J. Tremlett

Hefyd yn bresennol:

Y Cynghorwyr D.M. Cundy

Yr oedd y swyddogion canlynol yn gwasanaethu yn y cyfarfod:

W. Walters, Prif Weithredwr

J. Morgan, Cyfarwyddwr y Gwasanaethau Cymunedau

C. Moore, Cyfarwyddwr Gwasanaethau Corfforaethol

L.R. Jones, Pennaeth Gweinyddiaeth a'r Gyfraith

R. Mullen, Cyfarwyddwr yr Amgylchedd

G. Morgans, Cyfarwyddwr Gwasanaethau Addysg a Phlant

P.R. Thomas, Prif Weithredwr Cynorthwyol (Rheoli Pobl a Pherfformiad)

H. Pugh, Pennaeth Dros Dro Archwilio, Riag a Chaffael

I.R. Llewelyn, Rheolwr Blaen-gynllunio

S. Rees, Cyfieithydd Ar Y Pryd

D. Hockenull, Rheolwr y Cyfryngau a Marchnata

L. Jenkins, Swyddog Cefnogi Bwrdd Gweithredol

E. Evans, Prif Swyddog Gwasanaethau Democrataidd

M. Evans Thomas, Prif Swyddog Gwasanaethau Democrataidd

K. Thomas, Swyddog Gwasanaethau Democrataidd

E. Bryer, Swyddog Gwasanaethau Democrataidd

Rhith-Gyfarfod - 10.00 yb - 10.50 yb

1. YMDDIHEURIADAU AM ABSENOLDEB

Ni chafwyd ymddiheuriadau am absenoldeb.

2. DATGANIADAU O FUDDIANNAU PERSONOL

Y Cynghorydd	Rhif y Cofnod	Y Math o Fuddiant
C. A. Davies	10 - Cyllid Llywodraeth y DU	Llwybr beicio yn mynd trwy'r fferm y mae ei gŵr yn ei rheoli.
L.M. Stephens	12 - Y Wybodaeth Ddiweddaraf am Raglen Gyfalaf 2020/21	Llywodraethwr Ysgol – Ysgol Bro Myrddin.
P. Hughes-Griffiths	12 - Y Wybodaeth Ddiweddaraf am Raglen Gyfalaf 2020/21	Llywodraethwr Ysgol - Ysgol Bro Myrddin.

3. LLOFNODI FEL COFNOD CYWIR COFNODION CYFARFOD Y BWRDD GWEITHREDOL A GYNHALWYD AR Y 26AIN EBRILL, 2021

PENDERFYNWYD YN UNFRYDOL Iofnodi cofnodion cyfarfod y Bwrdd Gweithredol a gynhaliwyd ar 26 Ebrill 2021 gan eu bod yn gofnod cywir.

4. CWESTIYNAU Â RHYBUDD GAN YR AELODAU

Dywedodd y Cadeirydd nad oedd dim cwestiynau â rhybudd wedi cael eu cyflwyno gan yr Aelodau.

5. CWESTIYNAU A RHYBYDD GAN Y CYHOEDD

Dywedodd y Cadeirydd nad oedd dim cwestiynau wedi dod i law gan y cyhoedd.

6. HYRWYDDO CAFFAEL BLAENGAR

Rhodddwyd gwybod i'r Bwrdd Gweithredol fod yr adroddiad wedi'i dynnu'n ôl hyd nes y bydd y Pwyllgor Craffu perthnasol yn ei ystyried. Nodwyd y byddai'r adroddiad ac unrhyw argymhellion Craffu yn cael eu hystyried gan y Bwrdd Gweithredol yn ddiweddarach.

7. CYNLLUN ADFER A CHYFLAWNI ECONOMAIDD SIR GAERFYRDDIN

Rhodddwyd gwybod i'r Bwrdd Gweithredol fod yr adroddiad wedi'i dynnu'n ôl hyd nes y bydd y Pwyllgor Craffu perthnasol yn ei ystyried. Nodwyd y byddai'r adroddiad ac unrhyw argymhellion Craffu yn cael eu hystyried gan y Bwrdd Gweithredol yn ddiweddarach.

8. GORCHMYNION DATBLYGU LLEOL DRAFFT CANOL TREFI RHYDAMAN A CHAERFYRDDIN

Bu'r Bwrdd Gweithredol yn ystyried adroddiad yn nodi cynnydd a chynigion mewn perthynas â pharatoi Gorchmynion Datblygu Lleol (LDO) ar gyfer Canol Trefi Rhydaman a Chaerfyrddin.

Dywedodd y Dirprwy Arweinydd fod y cyfnod ymgynghori ar gyfer y Gorchmynion Datblygu Lleol Drafft wedi cychwyn ar 12 Ionawr, 2021 ac wedi dod i ben ar 26 Chwefror, 2021. Nodwyd bod tua 19 o sylwadau wedi dod i law gan ystod o sefydliadau a phartïon â diddordeb.

Dywedwyd, ers yr achosion o COVID-19, fod busnesau yng nghanol trefi Caerfyrddin a Rhydaman wedi ei chael hi'n anodd, a bod rhai busnesau wedi penderfynu cau. Ceisiodd yr adroddiad fynd i'r afael â'r sefyllfa dros dro hon trwy ystyried a dynodi Gorchmynion Datblygu Lleol ar gyfer Canol Trefi Rhydaman a Chaerfyrddin.

Rhodddwyd gwybod i'r Bwrdd y byddai Gorchmynion Datblygu Lleol yn symleiddio'r broses gynllunio trwy ddileu'r angen am geisiadau cynllunio, gan ganiatáu i ddatblygwyr fwrw ymlaen yn gyflymach a chyda sicrwydd wrth leihau costau. Yng nghanol trefi, byddai Gorchmynion Datblygu Lleol yn helpu i fynd i'r afael â'r broblem yn ymwneud ag eiddo gwag i gael canol trefi mwy hyfyw a bywiog.

PENDERFYNWYD YN UNFRYDOL ARGYMELL I'R CYNGOR:

- 8.1 ystyried y sylwadau sydd wedi dod i law mewn perthynas â'r Gorchymyn Datblygu Lleol Drafft ar gyfer Canol Trefi Rhydaman a Chaerfyrddin.**
- 8.2 cymeradwyo argymhellion yr adroddiad.**
- 8.3 cymeradwyo cyflwyno'r Gorchymyn Datblygu Lleol (sy'n cynnwys argymhellion yr adroddiad hwn, a'r wybodaeth ddiweddaraf am dystiolaeth) i Lywodraeth Cymru gael cytuno arno (yn amodol ar Aseiad o'r Effaith Amgylcheddol boddhaol).**
- 8.4 rhoi awdurdod dirprwyedig i'r swyddogion wneud addasiadau teipograffyddol neu ffeithiol ansylweddol yn ôl yr angen, i wella eglurder a chywirdeb y Gorchymyn Datblygu Lleol a diweddarau'r sylfaen dystiolaeth a gwneud unrhyw newidiadau canlyniadol i'r Gorchymyn Datblygu Lleol, a sicrhau bod unrhyw faterion ychwanegol o ran cydymffurfiaeth gyfreithiol hefyd yn cael eu hintegreiddio.**

9. CRONFA LIFOGYDD A SEILWAITH BUSNESAU SIR GAERFYRDDIN

Cafodd y Bwrdd Gweithredol adroddiad yn gofyn am ystyried pecyn cymorth cyffredinol ar gyfer busnesau sy'n adfer yn dilyn Covid-19 a llifogydd.

Nodwyd bod busnesau yn Sir Gaerfyrddin wedi parhau i ddioddef o achos y nifer cynyddol o lifogydd yn sgil stormydd. Oherwydd hyn, cyflwynwyd a chymeradwywyd adroddiad yng nghyfarfod yr Aelod o'r Bwrdd Gweithredol – Arweinydd ar 17 Mawrth er mwyn cymeradwyo parhad y Gronfa Lifogydd Busnesau wreiddiol i gynorthwyo busnesau Sir Gaerfyrddin. Roedd adroddiad yr Aelod o'r Bwrdd Gweithredol hefyd yn cymeradwyo defnyddio'r gyllideb sy'n weddill (£96k) o'r £200k gwreiddiol a neilltuwyd o Gronfa Mentrau Gwledig Sir Gaerfyrddin i gyflawni'r Gronfa Lifogydd Busnesau yn 2018. Roedd y gymeradwyaeth hefyd yn cynnwys diwygiad i'r meini prawf cymhwysedd gwreiddiol i alluogi busnesau y mae llifogydd wedi effeithio arnynt yn ystod y tair blynedd diwethaf i gael cymorth ariannol ar gyfer prosiectau rhagweithiol i ddiogelu eu heiddo rhag difrod a achosir gan lifogydd yn y dyfodol.

Rhoddyd gwybod i'r Bwrdd y byddai cymorth yn cael ei roi i ddatblygu prosiect yn Llangadog a fyddai o fudd i'r gymuned ac i gyflogwr lleol mawr yn y dref. Roedd trafodaethau cychwynnol wedi digwydd gyda Cyfoeth Naturiol Cymru a Cambrian Pet Foods mewn perthynas â phrosiect partneriaeth posibl gyda phob parti'n ariannu traean o gostau prosiect i fynd i'r afael â llifogydd rheolaidd sy'n effeithio ar y briffordd, busnesau lleol a thrigolion fel ei gilydd a byddai tua £50k yn cael ei ddyrannu i'r cynllun hwn.

PENDERFYNWYD YN UNFRYDOL gymeradwyo pecyn cymorth cyffredinol i fusnesau sy'n adfer ar ôl Covid-19 a llifogydd drwy:

- 9.1 neilltuo £25k o'r Cronfeydd Cyfalaf Adfywio presennol ar gyfer caffael stoc o ddadleithyddion (amcangyfrifir eu bod yn costio £1,500 fesul eitem, 16 uned i gyd) i'w cadw'n ganolog ac yna eu benthyca i helpu busnesau yr effeithir arnynt i fynd i'r afael â difrod llifogydd ar unwaith.**

9.2 neilltuo'r £96k sy'n weddill o'r dyraniad cychwynnol o £200k o Gronfa Mentrau Gwledig Sir Gaerfyrddin (fel y'i cymeradwywyd yng nghyfarfod yr Aelod o'r Bwrdd Gweithredol - Arweinydd ar 17 Mawrth 2021).

9.3 neilltuo £200k o gronfeydd Cyfalaf Adfywio presennol i ymgymryd â phrosiectau peilot i wneud gwaith mewn partneriaeth â rhanddeiliaid allweddol a busnesau yr effeithir arnynt i wella amddiffynfeydd llifogydd ac atal llifogydd rheolaidd i wella seilwaith a hynny am uchafswm o hyd at 50k y prosiect.

10. CYLLID LLYWODRAETH Y DU

[SYLWER: Gan fod y Cynghorydd C. A. Davies wedi datgan buddiant yn y mater hwn yn gynharach, gadawodd y cyfarfod.]

Cafodd y Bwrdd Gweithredol adroddiad a oedd yn rhoi'r wybodaeth ddiweddaraf ynglŷn â chyfluoedd cyllido Llywodraeth y DU a fyddai'n effeithio ar Sir Gaerfyrddin.

Nodwyd, wrth gyhoeddi cyllideb Llywodraeth y DU ar 3 Mawrth 2021, y cyhoeddodd Canghellor y DU nifer o fentrau a rhaglenni cyllido newydd. Roedd yr adroddiad yn rhoi sylw i ddwy o'r rhaglenni newydd, Cronfa Codi'r Gwastad a'r Gronfa Adfywio Cymunedol.

Dywedodd yr Arweinydd fod £800m ar gael trwy Gronfa Codi'r Gwastad i Gymru, yr Alban a Gogledd Iwerddon dros bedair blynedd. Byddai'r Gronfa yn buddsoddi mewn ystod o flaenoriaethau buddsoddi lleol gan gynnwys cynlluniau trafndiaeth lleol, prosiectau adfywio ac asedau diwylliannol. Byddai ymgeiswyr yn cael eu hannog i gynnwys cyfraniad ariannol lleol sydd o leiaf 10% o gyfanswm y costau.

Rhoddyd gwybod i'r Bwrdd fod Cronfa Codi'r Gwastad yn gronfa gyfalaf yn unig, a weinyddir gan Drysorlys Ei Mawrhydi (HMT), y Weinyddiaeth Tai, Cymunedau a Llywodraeth Leol (MHCLG) a'r Adran Drafndiaeth (DfT). Byddai cyllid yn cael ei ddarparu'n uniongyrchol trwy Awdurdodau Lleol, ac ymgynghorir â Llywodraeth Cymru wrth asesu cynigion perthnasol.

Mae nifer y cynigion y gallai awdurdod lleol eu gwneud yn seiliedig ar nifer yr Aelodau Seneddol yn ei ardal; gan fod Sir Gaerfyrddin yn rhan o 3 etholaeth seneddol wahanol, byddai cyfle i gyflwyno hyd at 3 chais yn cwmpasu'r Sir (2 mewn perthynas ag etholaethau yn gyfan gwbl yn Sir Gaerfyrddin ac 1 ar y cyd lle mae'r etholaeth yn un drawsffiniol). O ran Gorllewin Caerfyrddin, (etholaeth ar y cyd â De Sir Benfro), byddai angen ymgysylltu â Chyngor Sir Penfro a chyflwyno cynnig ar y cyd. Yn ogystal, gallai Awdurdodau Lleol gyflwyno un cais o ran trafndiaeth. Byddai ceisiadau o ran trafndiaeth yn unig yn cael eu dyrannu'n annibynnol ar ffiniau etholaeth ac yn destun proses achos busnes fanylach. Nodwyd bod yn rhaid cyflwyno ceisiadau am y rownd gyntaf o gyllid i Lywodraeth y DU erbyn 18 Mehefin 2021.

Rhoddyd gwybod i'r Bwrdd y byddai'r Gronfa Adfywio Cymunedol gwerth £220m yn rhoi cymorth i gymunedau dreialu prosiectau a dulliau newydd cyn Cronfa Ffyniant Gyffredin y DU a fyddai'n cael ei lansio yn 2022. Dywedodd yr Arweinydd y byddai'r gronfa'n gyllid refeniw o 90% a bod angen cwblhau'r holl brosiectau yn ariannol erbyn 31 Mawrth 2022. Byddai'r Gronfa yn broses gystadleuol ac ni fyddai unrhyw gymhwysedd yn cael ei osod ymlaen llaw. Roedd Llywodraeth y DU wedi

nodi 100 o leoedd â blaenoriaeth a nodwyd Sir Gaerfyrddin ymhlith y 100 lle hyn. Roedd Sir Gaerfyrddin hefyd wedi'i nodi fel awdurdod arweiniol a byddai disgwyl iddi wahodd cynigion am brosiectau a gwerthuso a blaenoriaethu rhestr fer o brosiectau hyd at uchafswm o £3 miliwn y lle. Byddai'r rhestr fer o brosiectau yn cael ei chyflwyno i'r Weinyddiaeth Tai, Cymunedau a Llywodraeth Leol erbyn 18 Mehefin 2021.

PENDERFYNWYD YN UNFRYDOL:

10.1 gymeradwyo'n ôl-weithredol y broses a sefydlwyd ar gyfer y Gronfa Adfywio Cymunedol yn Sir Gaerfyrddin.

10.2 ystyried a chymeradwyo'r ceisiadau a gyflwynwyd dan Gronfa Codi'r Gwastad.

11. ADRODDIAD MONITRO CYLLIDEB REFENIW Y CYNGOR

Bu'r Bwrdd Gweithredol yn ystyried adroddiad monitro'r gyllideb refeniw a oedd yn rhoi'r wybodaeth ddiweddaraf am y sefyllfa gyllidebol fel yr oedd ar 28 Chwefror 2021, o ran 2020/2021. Roedd y sefyllfa gyllidebol yn cydnabod y pwysau ychwanegol sylweddol a roddwyd ar yr Awdurdod wrth ymateb i bandemig Covid-19 a'r gefnogaeth a ddarparwyd gan Lywodraeth Cymru.

Yn gyffredinol, roedd yr adroddiad monitro yn rhagweld y byddai tanwariant diwedd blwyddyn o £1,980k ar gyllideb refeniw net yr Awdurdod ac y byddai tanwariant o £1,872k ar lefel adrannol.

Er bod adroddiadau yn gynharach yn y flwyddyn wedi dangos gorwariant sylweddol oherwydd effaith Covid-19, nododd y Bwrdd Gweithredol fod y sefyllfa a ragwelir ar hyn o bryd wedi gwella'n sylweddol, gyda'r costau ychwanegol sy'n gysylltiedig â Covid-19 a'r incwm a gollwyd yn cael eu had-dalu'n bennaf o gynllun caledi Llywodraeth Cymru.

Nodwyd hefyd, er y byddai tanwariant cyllideb refeniw yn cael ei ystyried yn ffafriol, dengys y manylion a amlinellwyd yn yr adroddiad fod hyn yn parhau i effeithio ar ddarparu gwasanaethau rheng flaen yn ogystal â lleihau/atal rhai gwasanaethau ataliol yn anochel. Roedd hyn, ynghyd ag unrhyw oedi parhaus wrth gyflawni arbedion, yn peri risg sylweddol i gyllidebau yn y dyfodol.

Dangosir yn Atodiad A i'r adroddiad y sylwadau ar yr amrywiannau penodol yn y gyllideb lle nodwyd tybiaethau

Nododd Aelodau'r Bwrdd Gweithredol fod yr adroddiad yn nodi bod casglu'r Dreth Gyngor yn parhau i fod yn faes sy'n peri pryder sylweddol. Gwelodd Sir Gaerfyrddin ostyngiad amlwg mewn taliadau yn ystod y chwarter cyntaf, ac mae'n annhebygol y bydd yn adfer yn llawn yn ystod y flwyddyn. Er bod Llywodraeth Cymru wedi darparu cymorth ariannol, wedi'i ddyrannu ar sail fformiwla Grant Cynnal Refeniw, rhagwelwyd y byddai diffyg arian yn gyffredinol o hyd. Roedd y cynnydd yn y ddarpariaeth ddrwgddyded bellach wedi'i hadlewyrchu yn y rhagolwg.

PENDERFYNWYD YN UNFRYDOL:

11.1 Dderbyn adroddiad monitro'r gyllideb, a rhoi ystyriaeth i'r sefyllfa gyllidebol a'r camau unioni priodol.

11.2 Bod y Prif Swyddogion a'r Penaethiaid Gwasanaeth yn adolygu'r opsiynau sydd ar gael iddynt yn feirniadol i gyfyngu ar y gorwariant a ragwelwyd ar gyllidebau, yn ogystal â chydabod y pwysau y mae Covid-19 wedi'u rhoi ar gyllideb gyffredinol yr Awdurdod.

12. DIWEDDARU RHAGLEN GYFALAF 2020-21

[Noder: Datganodd y Cynghorydd L.M. Stephens a P. Hughes-Griffiths fuddiant tra oedd yr eitem hon yn cael ei hystyried.]

Bu'r Bwrdd Gweithredol yn ystyried adroddiad a oedd yn rhoi'r wybodaeth ddiweddaraf am sefyllfa ddiweddaraf y gyllideb ar gyfer rhaglen gyfalaf 2020/21 ar 28 Chwefror, 2021.

Roedd Atodiad A a atodwyd i'r adroddiad yn rhagweld gwariant net o £34,525k o gymharu â chyllideb net weithredol o £76,120k gan roi £41,595k o amrywiant. Dywedodd yr Aelod o'r Bwrdd Gweithredol dros Adnoddau fod yr amrywiant sylweddol a ragwelir ar hyn o bryd yn parhau i gael ei briodoli i raddau helaeth i'r cyfyngiadau sy'n gysylltiedig â phandemig Covid-19 a'i fod yn dilyn addasiad i'r cyllidebau i gyfleu bod £38m wedi'i lithro i'r blynyddoedd i ddod.

Roedd yr adroddiad yn manylu ar Gynlluniau ychwanegol i'r Rhaglen Gyfalaf a oedd yn gofyn am gymeradwyaeth y Bwrdd Gweithredol.

Bu'r Bwrdd yn ystyried y prif amrywiannau a nodwyd ym mhob adran a oedd wedi'u cynnwys yn yr adroddiad yn Atodiad B.

PENDERFYNWYD YN UNFRYDOL:

12.1 dderbyn adroddiad diweddarau'r rhaglen gyfalaf.

12.2 bod y prosiectau ychwanegol y manylir arnynt yn yr adroddiad yn cael eu cymeradwyo.

13. UNRHYW FATER ARALL Y GALL Y CADEIRYDD OHERWYDD AMGYLCHIADAU ARBENNIG BENDERFYNU EI YSTYRIED YN FATER BRYS YN UNOL AG ADRAN 100B(4)(B) O DDEDDF LLYWODRAETH LEOL, 1972.

Dywedodd y Cadeirydd nad oedd unrhyw eitemau eraill o fater brys.

CADEIRYDD

DYDDIAD